



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Parallela Geographiae Veteris Et Novae**

**Briet, Philippe**

**Parisiis, 1649**

§. 9. Ducatus Brunsvicensis, le Duché de Brunsuik, & ses Enclaves.

**urn:nbn:de:hbz:466:1-13167**

câ Episcopum collocavit, vt pietate Saxonas frenaret.  
 Inferius Rodemburgum: *Nider Rodembourg*, ad Fl. Vemmæ, &  
 Leufæ confluentias, *Vemm*, & *Leuff*.

§. 7. *Comitatus Schauemburgensis*, Côté de Schauembourg.

Schauenburgum: *Schauembourg*, in rupe situm castrum, vnde huic  
 ditioni nomen. Eò vsque extenditur sylua Thuringica, in quâ  
 hic Ducatus collocatur.

Saxonum Burgus, seu Saxenhufa: *Saxenhagen*.

Stadhaga: *Stadhagen*.

Hamelium: *Hamelen*, vrbs quam alij reiiciunt in Agrum Brunsvi-  
 censem, de quâ aliquid in Admirandis obseruatu dignissimum  
 afferemus.

§. 8. *Ducatus Brunsvicensis*, le Duché de Brunsvik,  
 & ses Enclaves.

BRUNSVICVM: *Brunsvik*, Germanis *Brausvik*, à Brunone Duce  
 Saxonix, quasi Brunonis burgus aut castrum, quam urbem Fl.  
 Oacer *Ockel*, aliter *Onacre*, interfecat: creditur totius Germa-  
 niæ munitissima; vrbs sæpe obsessa à Principe, quia Remp. mo-  
 liebatur, tandem ei sponte cum aliquot priuilegiis se submitit.

Volfenbutela: *Volfenbutel*. Ducum sedes firmissima ad prædictum  
 Flu. in paludibus, quam inundatione perdere Sueci nostra æta-  
 te conati sunt, & fecissent nisi Imperator subuenisset, exercitu  
 præualido diligentissimè contracto.

Hannouera: *Hannouer*, vrbs Anseatica ad Fl. Leinam *Glein*, egre-  
 giè munita: Hic olim arx *Leinrode* Comitum à *Rhoden*.

Volfelda: *Volfelde*.

Nouostadium: *Neuustad*, ad Fl. Leinam, seu *Glein*.

Reclinga: *Recling*.

Helmestadium: *Helmstad*, vbi Academia celebris: huius olim Ab-  
 bas dominus, i. S. Ludgerus, sed anno 1490. vendita est Du-  
 ci Brunsvicensi. A Caroli M. filio cœpta est muniri.

Goslaria: *Goslar*, vrbs Imperialis in Hercyniâ syluâ ad Fl. Gossam  
*Goff*, ab Henrico Aucupe condita.

Gandershemum: *Gandersheim*, nobile Collegium, vbi Abbatia

olim virginum prædiues, cuius Abbatissa erat filia Regis, minimum Principis.

Northemum: *Northeim*.

Goltfinga: *Goltfingen*, vrbs peruetus à Gothis dicta, cùm in Italiam irruerunt: Comitatus olim fuit.

HILDESHEIMENSIS EPISCOP.

*l'Euesché de Hildesheim,*

vnus Catholicus in Saxoniâ.

HILDESHEIMA: *Hildesheim*, cuius Episcopatus à Carolo Magno constitutus est, primùm in vrbe Aulicâ *Eliz*, ad confluentias *Leinæ* & *Salæ*, vbi erat Aula Imperatoris dum in his locis versaretur; postea translata in locum dictum *Hilgeschne*, quæ vox *niuem* sonat, quæ hîc ex miraculo tempore infueto decidit. Sita est ad Fl. *Inders*, seu *Indersée*.

Pena: *Peyne*, ad Fluum *Fuse*.

Klauum: *Klaun*, ad Fl. cognominem.

Budeburgum: *Budeborg*, ad Fl. *Budam*.

Alueda: *Alfelden*, ad Fluum *Rumam*.

COMITATUS SPICELBERGENSIS, *Comté de Spicelberg*, in Brunsvicensem Ducatum insertus

Hunsdorpia: *Hunsdorp*, vrbecula ad Fluum *Iolum*, qui mox cadit in *Vifurgim*.

HALBERSTADISIENSIS EPISC.

*l'Euesché d'Halberstad.*

HALBERSTADIA: *Halberstad*, quasi Alberti vrbs antiquissima, quod arguit statua Rolandi, hîc anno Christi 778, collocata. Incolæ olim Longobardi fuerunt. Et Episcopatus huc ex *Ostrouico* translatus est ab eodem Carolo Magno.

Ostrouicum aliter *Salingtetum*: *Ostrouik*, ad Fl. *Ilsam*, olim Episcopalis sedes, nunc in burgum degenerauit.

Gruninga: *Gruningen*.